



梅溪先生後集卷第十二

二公詩

初到夔州

天某甲申七月至饒州以表謝上云雖才非太公不能五月報政然忠猶杜甫未嘗一飯忘君既而與諸公唱和有夔字韻詩果有易夔之命人以為識方力巧祠夢觀八陣圖乙酉十一月朔至夔水落沙露宛然在目所歷山川皆少陵詩中景物也因成一絕用

楚東韻

分甘易守不勞麾夢已先予到古夔識語端符楚東韻忠懷雅合杜陵詩

忠烈錄 查漕元章生日十一月望日

氣壓群陰首占陽生賢時節自非常十分天上月輪滿

一線人間日影長攬轡威名崖雪凜和羹消息嶺梅香

要知三峽无窮水便是詞源与壽觴

周漕行可和詩復用前韵并簡元章

重聞鳴鳳瑞岐陽不比清齋老太常帝里別离頭併白

夔門邂逅日初長詩篇照眼騰光艷蘭友傾心藹国香

天遣西來端有意要令我輩共壺觴

又用行可韵

二公海内姓名聞我亦追隨到蜀門龍卧庐中嘆諸葛

姓居坎底陋公孫兩听巫峽夢時滴花看杜鵑啼处

訓唱又成夔府集論文欣對少陵尊

行可再和用其韵以訓

孤陋書生寬見聞西來端欲掃儒門懷人久作周公夢

訪道欣聞孔子孫烟帽蕭語書為愛民成再奏傳驪緡

事淚因憂国有双痕休論身世无窮事但願常陪北海

尊

又訓元章

叱馭西來媿子陽舊交重見白眉常傷心鬼錄人何短

懷軀回首蓬山話更長夔府並游容倚玉計臺高遠

含香我非逸少君如謝聊繼蘭亭曲水觴

行可元章再賦二詩依韵以訓前篇寓二後篇

不學金仙李伯陽，來從雄愈論天常。毫鋒落紙一臺妙，詩艷驚人万丈長。會見鷗鵬俱變化，稔聞蘭菊各芬香。盍簪聯席論文酒，却咲困明獨引觴。

朋得西南直諒聞，同行宜入仲尼門。交成一体慕龍友，政在諸家嗤魯孫。雪唱紛紛瞻天瑞，詞源洵涌映江痕。二公如月如太白，我亦影隨同一尊。

元章贈餘甘子用前韵

艸菓南方地近陽，不隨凡果當家常。端因坡句吉名重，正類梅詩氣韵長。練坡檄攬詩云持得餘甘回齒頰已 贈和食檄攬 愈在回頰已輸崖蜜味返魂終共雪芽香。取茶

故人知我詩腸苦，更贈蒲萄為薦觴。

行可骨肉自西州，來用門字韵贊喜。

連夕西臺咲語聞，綵衣人戲綉衣門。定知情話同元亮，不用詩篇寄抱孫。果見灯花將喜事，寧愁江竹染啼痕。世傳婦人詩云君看江上 登堂濫作韓公客，白首相逢十載尊。

吳參議和詩用前韵以酬名景德巴陵人

万頃波瀾瑩岳陽，氣鍾人物亦非常。為郎堪嘆馮唐老，治郡未施黃霸長。吳使博有鵠出 詩吐錦腸多麗，高蓮幕有清香。穆生醴酒周瓊榻，不是區區為

聞馬綱復行舊路 聖主之恩諸公奏

也元章用前韵喜而和之 此三篇原缺盡致

利博仁言亟奏聞恩光万里烛夔門綱舡已免

人 鮪棧道不應愁鶻孫鶻孫村落烟餘烟火

息斧斤痕坐看巴蜀回生意放我歡呼到酒尊

州縣有戒石飭官吏其至夔之初

詩以自警云

爾俸爾祿民膏脂下民易虐天難欺聖訓昭昭日月垂

刻石于庭廊官師臣庭堅字尤瓌奇

光堯宸翰增光輝坤維門戶州名夔庭前戒石

筆畫微茫觀者疑太歲在酉嘉平時言日丁亥刑

命工率石少高之一新欄檻嚴護持銀鈎照眼光陸離

天威只尺顏不違虐民之事焉可為勿謂蒼之不吾知

与爾同僚共孜孜

出郊送虞叅政因游竹亭小飲與者九人

送客出西郊天氣為我佳穿林看修竹偶与群賢偕

迨適我願三杯寫幽懷向來濤与我此樂何繇諧

立春

巫峽逢生日夔州見立春行年五十五羞作戴花人

寄刘侍郎韶美

流落天涯老病身歸心一點逐新春故人少借論思口

放我山林作散人

正月六日游磧呈行可元章

踏磧逢為馬臨流想卧龍江山供指顧尊俎奉從容
水淺還漲巫雲淡復濃天教我輩合莫惜釐金鍾

呈同官

樽前記得少陵詩好向江頭盡醉歸此日風光直可惜
古來樂事巧相違細看八陣圖猶在欲問三分迹已非
惟有年年古夔國竹枝聲裏日暉暉

買山夔山皆童子買山植木以庇之慎勿斲之不禁作詩以告後人

書生為郡亦迂哉剩買童山買木栽但遣牛羊勿踐履
它年定出棟梁材

給水夔以竹筒引水見于世詩以義泉名門則知昔之為州者不惟水而取錢也予始至
爛松庫歲秋賣木多千餘緡鈔轄司亦如之予給民懼后入廢之故作是詩

接筒引水下山陬喘為夔民解有憂長使義泉名不斷
莫教人費一錢求

修壘夔城有壘修之雖難築一新於土城易壞兵有城者勿也後隨壞而補則成常固矣

莫將送旅視居官直作吾家活計看墻壁時時為修葺
安知勞苦是平安

種柳東至夔唐西過社曹凡十餘里種柳二千根後人或不種伐則垂臥幹當如柳子厚詩但愧无惠化傳耳

滾水東西十里餘新栽楊柳二千株會看得餘參天去
能信甘棠勿翦無

江月亭二絕

長江河迎水明月幾州天月与江無約相逢是偶然
江山今古幾英雄割地并吞总是空惟有江流不轉石
千秋長在月明中

登真武山

籃輿曉上小琳宮變手江山指顧中道士手栽山上柏
身猶未老榦凌空

上元山中百姓出游作三章諭之

鄰里相呼入郡城巴歌楚舞沸歡声三宵游罷同歸去
勉力耕桑事父兄
三日嬉游喜遇晴还家又見麥青青但須及早輸租稅
莫要勾呼到訟庭

好去耕耘陇上田但能勤苦有豐年家之飽煖身康健
更向明年看月圓

題諸葛武侯祠

八陣高旁丞相祠風雲慘淡會當時功成豈止三分漢
才大非惟十倍丕渭上忽傳司馬走蜀中長起卧龍思
我来再拜瞻遺像淚滿襟如老杜詩

登詩史堂觀少陵畫像

万丈光芒筆有神兩眉猶帶旧酸辛殘杯不復随肥馬
臍腹端能巧後人夔子江頭吟处景杜鵑声裏拜時身
敬瞻遺像觀詩史一酌雲安翹米春

送參議吳郎中

扁舟西泝蜀江長，邂逅論交得老蒼。幕客可能淹杜甫，郎官誰復識馮唐。梅花開日方聯事，柳絮飛時遽卸裝。我過洞庭應有日，定須來掃蓋公堂。

夔州祀社稷于州之西五里地，不盈畝。壇宇庠陋，垣牆頽圯，非所以崇明祀也。買地易路，築屋增壇，命同僚董其事，不踰月告成。二月戊子祀

事既畢，詩以記之。

天下通祀，惟社稷。次則曰雨曰雷曰風曰龍，與奔配土穀是皆於民有大功。古夔子國，今會府，其於明祀可不崇。西郊壇宇何太陋，我忝守土責在躬，廣而新之，繫誰力。蓮幕花絲謀益同，築垣旁近冊，荔園關路下，壓黃冠官

地有松柏，並可植。時和黍稷行，將豐夔門社稷。宋社稷頭與天地同，元窮。

游卧龍山呈行可元章

我輩逢山眼，即青卧龍頂。上喜同登面，留沙磧懷諸葛。

詩誦江濱憶少陵，巫峽雲飛天一握。瞿唐魚化浪三層，

俗謂瞿唐為龍門藍輿又向人間去，回首林泉媿老僧。

聞詩得男名之曰夔，夔以二月十二日卯生。

巫邑初傳鯉，是日巫山吾家遂得夔。遙來如馬地，却應

夢熊詩，聞詩在書院日官忝二千石，孫看第一枝。放同

君子抱祝汝，伯吾兒。

甘露降于宅堂竹間，凡半月三經雨乃止。州宅

有甘露堂昔周

侍郎為郡露降焉易見山

堂以名之予無善政惧其為灾記以二絕

湛々下脩竹味如飴蜜甘人言此為瑞无德可能堪
竹間甘露日漉々飴蜜珠璣帶細香天閔夔民歲飢饉
雨賜時若乃嘉祥

元章贈蘭

英英道山友贈我深林芳入室与俱化同心如此香
之可為佩不采庸何傷三復韓子操援琴鼓揚揚

卧龍山有武侯新祠再用前韵

山藏古寺柏青々地重端因蜀相登沙上不聞江轉石
人間幾見谷為陵龍蛇樹影搖千尺五雪花枝吐万層

堪嘆中庐誰復顧凄然香火却依僧

寄書与二叔二弟

八十高年林下老四千餘里夢中家雲安双鯉隨春水
為我傳書到永嘉

左原端是脊令原誰遣分飛到蜀門况是清明寒食候
杜鵑声裏断離魂

題卧龍山觀音泉呈行可元章

去歲游庐山社中觀白蓮不飲遠公酒聊酌聰明泉肩
輿過武昌乘興西山巔岩乳飲菩薩詩篇誦蘇仙賦唱
東菩薩泉之夔州苦无井瘿俗殊可憐竹筍侯不乾可浣
不可煎日汲卧龍水屢賴檐夫肩所取都幾斛深慙未

投錢前日招提游入耳声消、泓澄可照膽山木皆光
妍却疑南陽人蟠螫清冷淵慘淡會風雲滂沱霖普天
源如少陵詞清入光芒篇餘波張瞿唐洶涌吞百川何
人著水經漏此不及編道人出新茗林間手新研共以
夷齊心來結觀音緣至今清夜夢猶到幽亭邊交游况
離索回首成悽然元章移何時鹿呦呦重訪山中禪前日吾儕將至山中鹿鳴

元章贈筆戲成一絕

東臺使者妙詩文贈我中書四十君我不善書慚拜賜
中書今日遇將軍

再酬元章

一尊方喜細論文春中題詩又送君手握管言不盡詩
壇誰復將中軍

又卷行可

道造精微更有文絳侯應媿不如君試將武事論詩筆
句法嚴於細柳軍

訓行可惠白酒

渴懷思欲吸長江聞說西臺釀滿缸一斗青州白從事
忽隨詩句到蓬窓

同行可元章報恩寺行香登佛牙樓望勝已山

籃輿拂曉出東関鐘磬声聞杳靄間心欲報恩頻入院
人逢勝已更觀山竹香細細禪房靜江水渾、野渡閑

歌問漁人國與廢黃鸝隔葉語絲蛮

五月四日與同僚南樓觀競渡因成小詩四首
明日同行可元章登樓又成五首

蜀江險處是夔州灩澦堆邊看競舟為報番禺相識道
去年人在此登樓去五月四日會僚友于番江樓酒中
分韻得月字云明年何處更登樓

聖番禺江上月

臺前八陣已陳迹水底三閭何處招手把菖蒲對佳節
興來呼酒勸同僚

番禺夔子兩端午去歲人如今歲人十兩年皆直是吳頭
來蜀尾子規声裏弔灵均

榴花照眼對佳客荷葉傳杯懷故鄉想見明年話夔子

又如今歲念番禺

黍遇今朝尽生角艾從何處忽為神荷香十里一鉤月
定有扁舟歸去人

舟人鼓楫呼何在声似湘沅江上声更听刘郎竹枝曲
不論南北恧傷情

細草含風羅疊雪近臣初拜賜衣時願因角黍詢遺俗
學士寧无六一詞

競渡本來緣救溺陵波初不為爭標今人不解古人意
得勝歸來咲語囂

綵舟兩々鼓鼙々勝已山陰漾水東父老相逢話良苦
兒郎多在馬舡中

劉韶美至巫山寄詩因次其韵

終日思歸未有涯，夢魂无夜不還家。莫雲春樹憶太白，
流水高山逢伯牙。卷軸隨身雖有厄，韶美至狼尾風流
得罪可無譁。劉以收書相逢莫便忽忽去，拜棹雙門過
食瓜。

送元章改漕成都

取友四十載，普天半交游。薰葭群玉間，莫盛登瀛洲。元
章真國士，未見心已投。雅抱賦志共，懷天下憂館閣。
育人材，孰云專校讎。慷慨論世事，不見范尹歐。疆場况
如許，寧不憂宗周。精忠吃肝膽，苦語驚冕旒。君去取勇
决，我行尚遲留。初別擬十載，相逢忽三秋。龍飛起元老，

江淮握貔貅，禮羅得奇才。戎幕資良籌，人事苦好違。壯
懷莫能酬，去持雙州節。遙泛瞿唐舟，我亦來自番。茲行
豈人謀，八陣觀壯圖。三峽窺倒流，訪君義勝堂。顧我制
勝樓，如馬謁白帝。卧龍尋武侯，江亭覽月色。園花賞春
柔，果分餘味甘。蘭贈深林幽，詩篇浩卷軸。墨妙輝山丘，
氣薄文艷杜。詞卑竹枝刘，吏事容拙踈。交情荷綢繆，綸
言下北闕。綉衣使西州，流錢豈君事。易地曾何優，胡不
班玉笋。入告嘉謀猷，巴子国家貧。瘡痍民未瘳，君去誰
抚摩。欲借嗟无由，我已上祠章。歸欵老田疇，遲君還日
邊。寄書到東甌。

次韵元章番別

送客成都去回舟白帝邊月應遙共對變復有誰憐我
只懷歸計君宜了世緣相期翼吾道餘事讀楞圓

夜與韶美飲酒瑞白堂秉燭觀跳珠分韵得跳

字

五月峽中天氣歛竹甯引水那能澆江濱
老卧未起崖石不枯珠自跳草々杯盤對君酌
灯前疑是簷花落毫端寫出万斛珠共向炎天作
冰雹妃子名園荔子丹絳囊初摘堆金盤細擘輕
紅唱君曲咀嚼水晶牙頰寒老翁真箇如年少
激水成珠堪一咲刘侯自有眉中珠不止照人兼自照

儀鳳得珠字

別來世故朝昏殊相与言之汗模糊兩翁得酒促坐席
感深念極氣欲蘇釋龍亦解作水供紉繹尋丈如渴烏
衣中生秋背毛豎金石相應環佩趨江山豪壯旁尊俎
醉中頗貫纍々珠此時一事復掛口為樂未竟成喑鳴
夔州憂民困湯火潤澤有志无坦途眼前焦熬十万户
欠伸戲咲皆霑濡自操量鼓入官廩不輸一錢分水符
讀書功力无表畔久矣俗吏輕吾儒州民輸租得自操
以已奉補公帑比入境得之民誦者

次韵韶美夫舟閱書

醫師籠參朮良將枕戈矢儒生嗜底物書卷掛口齒刘
侯西南来歲月十首尾閉門閱古今過眼分亥豕異書

照神藜竒字哭妖鬼許身如蠹魚文字共生死風流反
得罪去國果誰耻仙舟載祕閣便腹貯名理江神亦世
情逐客多不喜厄同焚書秦惡類城邢燬沾濡徧箱篋
痛惜到骨髓我初聞為驚終夜成坐起得君詩細讀罪
已不罪水頭言坐爾餘書著子刘子

韶美歸舟過夔留半月語離作惡詩二章以送
五載三詩送我歸古夔今作送君詩相如游處符分竹
諸葛陳旁舟解維秉烛莫辞煩把酒揮毫未免各憂時
可憐灑頰双蓬髮會合无多又別離

弱羽年來正倦飛變門邂逅故人歸人生一咲難開口
世事多端合掩扉况是桑榆俱晚景何曾富貴已危機

明朝悵望仙舟遠百尺高樓上靜暉州宅有靜暉樓此篇用韶美送元章韻

元章至雲安用送韶美韵見寄次韵以訓

社燕秋鴻不共飛却因送別更懷歸一壺獨酌人何處
千里相思月滿扉烟雨已催予把釣功名行看子投機
雲安双鯉傳書至詩句清含山水暉

靜暉樓前有荔子一株木老矣猶未生予去其
枯枝今歲遂生一二百顆至六月方熟

木老生遲六月丹夔清勝皆明珠百顆照朱顏因渠

風味思瑶柱東坡以荔支擦我鄉心念玉環玉環名也吾邑

有經路遠應難三日寄荔枝過一日香色味俱嘉樓高

更上一層攀君謨譜內丁香種宜在江陳品第間而按
小正如閩中丁香荔子

行可和詩再用前韵

肌膚冰雪鶴頭丹三峽相逢一破顏人折高枝如折桂

馬街餘顆似街環香傳樂譜名尤重曲名荔紅入詩家

句莫攀老杜有句紅來歲熟特先寄我夢魂應到白雲

間計臺有白云樓

行可再和因思前日与韶美同飲計臺臨池摘

實復用前韵

星火燒空一夜丹來禽青李竟无顏少陵池館三人賞

世傳計臺乃少陵白帝江山四面環生晚免教妃子汗

食餘應許黑衣攀閩娘十八誰標榜未必風流伯此間
坡詩亦及黑衣郎謂猿猴也

又用韵呈行可

神仙乞与返魂丹枯木能成處子顏雅樂声中逢魏絳

重圍解後見齊環九齡賦妙那能继三峽詩高未易攀

兒輩莫言誚倡晚吾鄉食實在秋間夜來和詩兒女輩

作詩何也鄉里七月方食團荔

元章至萬州湖灘寄六言一絕云滿目莫山平

遠一池雲錦清酣忽有鍾声林際直起夢到江

南某六月朔日登靜暉樓觀江漲望西南碧遠

數峯乃前日送别処也為之黯然樓前荔子初

丹次韵寄元章

遙碧峯尖如削輕紅荔臉初酣水漲江天渺故人一

葉西南

韶美至雲安寄詩二首再用詩字韻以寄

劉郎初自日邊歸入峽殷勤寄我詩大小承天思越絕

往在會稽韶美居大承天後先去國會坤維分題應記

跳珠夜送別還思入竹時千里遙共明月此心无合

亦无離

伏日与同官小飲瑞白堂觀跳珠分韵賦詩

瑞白堂虛冰雪凝散為珠玉洗炎蒸詠諧未效東方朔

賦詠聊追杜少陵

伏日懷香易同僚

去歲香易四望亭題分十二志同登眼中忽見天邊月

不謂天邊是固陵

餘干翁簿以予去饒之日郡人斷橋見留畫圖

賦詩見寄因次其韵

我慕鄭子真躬耕老岩谷不慕蘇季子腰金詫宗族失

脚踏塵網回頭念幽獨向來鷺鷥行進退慚碌碌把麾

番君因飲水清湾曲緬懷九賢人痛閱千里俗奉揚乏

仁風黎庶因炎燠疇能政有成敢望諾无宿厚顏叨祿

廩汗背擁旌纛命下忽變門諸公孰推轂水陸三千里

湖重嶺仍複至喜謁文忠梯梯懷李蠹番人憐老守去

類楚臣逐出門橋已斷擁道頻爭感初无態黃政濫繼
秦侯躅仇香旧同僚別寄兩竿牘賦詩仍畫圖開卷宛
在目清音滿干越餘韵到巴蜀我有二頃田荒蕪雁山
腹願畫歸去來芒鞋事耕育

贈裴童子

文公有序規童子將聖猶言畏後生好把五車書盡讀
五車讀了要須行

行可生日六月十四日

千載岐周鸞鷲聞果生英傑嗣姬文鯤鵬变化正六月
蟾兔光輝將十分肯把威名爭烈日只將道眼視浮雲
祝公壽共詩書久一瓣心香已敬焚

王嘉叟和讀楚東詩復用前韵以寄

照眼驪珠光陸离莆田太守寄新詩死生貴賤交情見
惟有吾宗不徇時

嘉叟和黯字詩再用前韵以寄

金谷富季倫丑坐貴思黯人間幾泉石豪奪在軒檻燕
賀厦初成花飛春忽滅破甑任生塵只有菜蕪范

和喻叔奇宿大木寺

木記餘千大風觀楚國雄吾詩晋大才君句壓雄風番
水連天碧潘花滿縣紅叔奇攝論文一尊酒何日故人
同

用讀楚東集韵寄元章

誰遣吾侪合又离江山深憶共題詩君舟西上吾東矣
尊酒論文更幾時

納涼

簾捲見山近窓開竹香香訟庭公事少靜坐納微涼

立秋

節物催吾老天涯見立秋涼微金尚伏暑熾火初流家
遠思嘗稻年衰怯載楸並夔人立秋歸耕期已近河漢望牽牛

七夕

去年佳節吳頭見今夕秋声峡内聞挂魄漸看成半璧
銀河猶自掩微雲晒書空有便之腹乞巧初无怪之文

為向天牛女女道夫耕婦織莫辭勤

懷番易

一別番易歲及暮夔門又見食瓜時自慙政拙无遺愛
安得民心有去思同官有錄民謠見寄

齒落用昌黎韵

我来饒与夔三載墮兩齒懸知年非永早悟仕當已要
須未落時猛效二疏止胡為一再落不已良可耻慨然
懷古人未有長不死因思年方少輩行多勝已顏紅齒
牢潔往々同逝水吾衰况如許寧復老彭比覽鏡視顏
色今昨不相似行年五十五万事可休矣功名与富貴
磨滅何足紀但願早還鄉俯育三百指婚嫁畢兒女松

楸依怙恃弟兄飲真率故旧忘汝尔齒牙任搖脫肉食
吾不視有身久為患无齒實堪喜始憂咲韓公可惜陋
子美未必傷我心茲言聞柳子

梅溪先生後集第十二

梅溪先生後集卷第十三

詩

十八坊詩

宣化

聖主有美化丁寧戒守臣毋令挂墻壁宣以及吾民
刑清

昔日循良吏獄空无怨声刑清本无術心地要先清
介福

茲地有神宇人人來薦羞神雖能介福亦自須求
拜節

川峡天下險幾人持節過好來平处拜莫起險中波

皇華

夔府皇華地乘輶都幾人誰如二使者實惠活斯民

查元章少城周行可同為夔漕措置堰折以寬民力蜀一路積負凡十餘萬緡時它路方進羨余

興儒

刀笠燒畬俗舟航撇旋鄉五經誰教子儒術破天荒

崇化

西接卿雲里東連屈宋鄉好風吹峽水盡作魯芹香

懋遷

相與勿言利要令通有无家々香一瓣心慕舜之徒

過此坊見多焚香者

興龍 欽宗皇帝母王皇后所生之地寺額曰

世仰欽宗聖人知太母賢千秋孰已化香火蜀江邊

卧龍

非長陳壽贊无首杜陵詩庙貌并公論如今勝昔時

慶豐

誰道夔門陋茲坊號慶豐守臣憂國頭端信杜陵翁

禮賓

前山名勝已夔子有嘉賓館闢自予始媿非賢主人

通津

大江来自蜀眾水共朝東我欲扁舟去問津從此通

義泉

官曹接筒竹民蠲沽水錢丁寧後來者莫負義名泉

永安

分鼎江山在受遺官關荒風雲時慘淡疑會旧明良

折桂

月窟何人到向未標榜新如今折桂者不止一坊人

知足

二疎歸去後林下少休官聖代夔門裏一枝栖故鴛

譚主簿弃官隱于是坊

和風

郡城深僻处車馬罕經過中有人多少人和風自和

制勝樓

絕塞依天險高城瞰陳曷公孫曾帝蜀諸葛欲吞吳

俎衝千里關山敵万夫人謀兼地利端坐靜邊隅

中元日得雨

秋陽亢流火時雨洗中元既賀苗蘇稿还欣暑祿煩德

知天地大功任鬼神言願作老農圃一犂耕故園

夢竟偶成

早秋良夜月朦朧夢竟涼生枕簟中數點過雲簷外雨

一声落木隴頭風

題无隱竺寄交代張真父舍人

遥自不欺室来居无隱竺事君均有犯得郡两俱佳西

蜀去何猛東甌歸未諧清風数竿竹時見故人懷

漕臺賞荷花因誦昌黎太華峯頭玉井蓮句遂

用其韵呈行可

天池水落華開蓮綉衣呼賓傾玉缸賞花對酒誦佳句
香徹鼻觀頭風痊韓公思摘太華實陶令不結東林緣
何如君有第一朶池上許我清芬連池心初開一朶

再用前韵

夢少池塘千頃蓮紅雲樓閣游人缸嘉有夢中董之
風日作夏供病不須藥花能痊渴未獲門念鄉国淨友
喜結西臺緣明年華開各南北今日有酒宜留連

張主管押郡師歸贈以三絕

魏公名德配芬馨猶子傳家有典刑勉力施行誠與
民謠待向峽中听

女須婦也郡如何地狹民貧事不多把酒送行无別語
要先抚字後催科
政術遙傳京兆張咲談為治定循良諸生相見宜相勉
正是風騷屈宋鄉

蒲萄

水晶馬乳薦新秋青紫酸甜孰味優只可堆鹽餉韓子
不宜釀酒博凉州

寄趙果州

九江話別已經年三峽相逢豈偶然預掃江頭禮賓館
論文尊酒菊花天

寄閩晉州

對策天庭老布衣
直言中已有危機
須知東普勝西掖
好買扁舟及早歸

八月十二日雨

七月之間旱如燬
禱而得之偶然耳
八月又旱農元秋
同僚勸效前日求
我方省愆未及禱
沛然一雨蘇群槁
古人重請應上公
何敢頻煩瀆蒼穹
但願時暘及時雨
不獨一州天下普

中秋對月用昌黎贈張功曹韵呈同官

水精為鑑金為波
挂空影寫山與河
韓詩河清光此夜
十分好有酒有客
宜高歌去年今日
行役苦浪叟谿邊
宿逢雨去歲中秋宿瑞昌傳聞蜀道如天高崖懸壁絕

衰猿號波橫劍戟
不易上陸有虎豹
何由迓江山旧恃
白帝險風俗猶帶
烏蛮躁驅馳兩月
到西塞夢寐万里
還東臯嗅梅踏雪
巴子里路入鬼門
欣不死飛入倦鳥
惟思還玉筍豈是
麗官班餘生但願
閑及酒虛名寧顧
觸与蛮良宵佳客
十有五雲放月入
尊壘間頽然老子
興不淺韓詩坡句
聊追攀君不見天
宝雲霓羽衣歌人
間樂舞难同科遺
音猶在悲涼多
舞霓裳隊有酒且飲
遑卹他不飲如此
良夜何

盤古廟

盤古千千古江頭
遺像存伏羲猶後
輩禮殿尽諸孫不
屋昔非陋有祠今
未尊東鄰二郎庙
巫覡醉朝昏
盤古祠止

一間庫陋甚無祭祀者旁有二郎廟祀者甚衆

趙果州之子年十四能作大字果州自荆南以

詩寄子命書之字書老成異日必名家因贈以

詩

子政平生直諒聞故應有子嗣清芬讀書行見破万卷
識字豈惟能八分年少便宜觀上國詩成真可張吾軍
校讎異日居天祿玉葉金枝有子雲

送如上人

蜀道青天不易登飄然雲水遇鄉僧芒鞋便欲相隨去
身縛宦官愧未能

十年作別稽山下万里相逢峽水西天下名山游已遍

好尋潛澗一枝栖

州宅雜詠

甘露堂

昔日賢太守堂前零露甘我來无善政露下亦何堪

萬卷堂

書讀万卷破少陵觀國初登堂吾有媿頭白腹空虛

瑞白堂

昔日曾變州茲堂見三白為瑞不嫌多年豐竈宜麥

詩史堂

誰鐫堂上石光艷少陵章莫作詩人看斯文似于長

易治堂

旧名整暇

風俗无難易治之端在人古變尤易治風俗本素淳
貽孫記夔州風俗云其賦易征其民不偷長吏得其道
益之若反掌耳

細香堂 旧名愚堂

官舍誰為友青々只此君細香來燕寢奚用炷烟熏

靜暉樓

占得高明地長聞燕寢香江流匹練白竹日万金黃

制勝樓

形勝據天險金湯无以過英雄多矣守制勝在人和

穿楊亭

仁者果何似宜於射也觀穿楊不在手心地要須端

无隱堂

勿謂江湖遠長如天日臨事君何敢隱中外一般心

跳珠

分得天地水跳成月峽珠一清夔子国炎瘴自今無

土洞

穴土誰為洞温涼款自私人間有寒暑坐此豈容知

有二土洞一在設斤之比一在靜暉樓之下冬可避寒
夏宜取涼然久其間則能除疾非天地之正氣也

柏

深山夔子国古柏靜暉樓柯葉今如許相看幾故侯

荔

誰種樓前荔周天幾歲星子随心地赤葉到歲寒心

竹

郡中誰種竹綠蔭未多濃我欲添清閬殷勤護揮龍
柑

白帝誰云晒黃柑亦自香一株三百顆風味自吾鄉

前輩有滿城風雨近重陽句而不成篇九月六日遇雨因為是之招同官分韵

滿城風雨近重陽準擬登高尚渺茫會見明朝天氣好不教孤負菊花黃

又用前句作七絕

重陽無數日風雨登臨緩會見天氣佳黃花插酒滿
老對黃花節遙臨白帝城空坐听蕭瑟點是鄉情
江山悲木落身世嘆飄蓬未會登山客先吹隨帽風

巫峽有雄風菊天多細雨知我欲登高先期洗塵土
竹葉悲杜陵秋雲吟柳惲家鄉雁蕩遙節物龍山近
灰飛季秋管雲暗巫山峯我欲廓氛曠試呼黎与重
節近愁陰雨雲披見太陽殷勤呼酒伴爛熳醉秋光
九日登卧龍山呈同官

老逢佳節強躋攀與遠東籬媿未還与客携壺登縹緲
尋僧對榻卧幽閑白盃照日一峯古烏帽吹風双鬢斑
坐上无非孟嘉輩卧龍山却勝龍山

又一絕

雙寺山高峽天濶騷人宅近剛腸悲菊花上頭不易得
酒盃到手何須辭

送何希深舍人赴召

十年持節國西門
万里東歸德愈尊
平叔淵源易論語
子雲游戲字方言
坐令國體還元氣
重見文星照掖垣
廊廟諸公倘相問
為言真欲老田園

至瞿唐關戲用山名成一絕

取友要如山勝已居官宜似地
青嶺邊庭未靜尚赤甲
鼎鼎欲調須白鹽

連日至瞿唐謁白帝祠登越公三峽堂徘徊登
古共成十二絕

瞿唐

七日重來白帝城
勞生遠宦厭將迎
瞿唐莫下今宜下

吳逐漁舟一葉輕

灩澦

水漲瞿唐勢更危
舟人貪進只嫌遲
天將此石垂深戒
看取形如象馬時

白帝城

火德重興六合同
金行數止一星終
鼎分雖媿劉元德
面縛肯為安樂公

越公堂

柱國揚家二世亡
越公遺迹獨餘長
不能牢固墮其業
枉費精神在一堂

三峽堂

三峽堂中看倒流
沉舟側畔過千舟
世途險更勝三峽
多少人懷積羽憂

石筍

白帝祠前石筍三根連
灑瀨立相參
不知此石能言否
往事應同老柏談
有二柏甚古

白鹽

蜀中鹽井知多少
功利端能與海分
尚使此山真可煮
商功計利更紛紛

赤甲

赤甲城連白帝城
子陽曾向此屯兵
區區板築徒勞耳
尚赤由來是漢營

東屯

少陵別業古東屯
一飯遺忠畎畝存
我輩月叨官九斗
須知粒粒是君恩

昭烈廟

老臣苦欲爭天下
嗣子何曾思蜀中
古屋數椽猶廟食
傷心地近永安宮

八陣圖

一家天下裂三都
忠憤填膺出陣圖
千載相知惟白水
此心元不為吞吳

勝已山

私心克盡道方大
勝已身游名始成
物我太深誰氏子

卻將已勝易山名有易為已勝者見昌經

題无隱坐

簷日照我几竹風清我襟官身心処士官舍趣山林

送喻令

捫藤先生有鳳毛三年魚邑試牛刀要令人被絃歌化
詎官身梓州縣勞賢令首祠唐質肅詩篇時出楚風騷
西歸更勉家傳學雲壑行看九万高

十月九日雪

愛子今年雪初冬已在山峯非是鹽白髮不為詩班寒
律三朝後五日雷吉八日間雷二日潛催子猷棹乘興早
知還

食柑

蕭山陸吉東坡傳愛子黃柑老杜詩楚越相望五千里
西州滋味獨儂知

十日買黃菊二株

十月更十日黃花開滿枝鮮々如可食采々還自疑重
陽不堪摘况後一月期既晚何用好茲言聞退之天然
傲霜性寧問早与遲不以日月斷深杯為花持

采菊圖

淵明耻折腰慨然詠式微閑居愛重九采菊采白衣南
山忽在眼倦鳥亦知歸至今東篱花清如昔陽薇
梁彭州歸自道山泝流入峽以二詩見寄因次

其韵

首遇重華關四門郡符帥闡誤蒙
恩路經灩澦少陵
擊中夢池塘灵運兔馬運敢辟論水陸兵儲未暇議營
屯故人相見談時事耿々胸中直氣存
壯夫白首兩同年又繼錢塘唱和篇十載音書天上雁
一江風雪峽中舡西州賢守得高適東觀人才推孟堅
紫陌曾陪探花馬姓名深媿在盧前

梁彭州與客登卧龍山送酒二尊

五馬携壺上卧龍四變連騎身游從山中古柏歲寒色
應為清流作意濃

天祿傳來楊子雲酒隨後乘為論文梁云舟中雲安麴

木瓶双玉聊助詩人作小醺

間普州趙果州舟中唱和以尺軸見寄謝以二

首

聯舟西上沸歡声趙壁隋珠照坐明一客詞流三峡水
百篇詩壓五言城廣文旧舍欣重掃桐音阿買奇
况况待行課翻作字我以禮賓名客館雲安翅未待君
傾

灯结寒花鵲有声書傳双鯉眼增明人言畫墨是青雲士
天遣相逢白帝城富貴有機端可畏山川非險莫辞行
定知蜀道從今易東普南充盖已傾

丙戌冬十月間惠夫梁子紹得都還蜀聯舟過

夔訪予於郡坐修同年之好也因觀太上皇
帝親擢御札及詔閣題名感嘆良久執成惡詩
一章以紀陳迹且志吾儕會合之異

光堯親擢賜魏科棟樑居前有媿多書向蓬山俱點勘

諧鳴枝詩從天竺共吟哦有游天竺者十年尊酒喜身健五

馬人生驚髮儲予與同老矣其方三十九握手寒門話

疇昔君恩未報欲如何

與世西與二同年觀雪于八陳金粟州會馬酌酒論文

煮惠山泉瀹建溪茶誦少陵江流石不轉之句

復用前韵

吾儕風味雅同村領略江山逸興多諸葛陳高金上看

少陵詩句酒中哦惠山活水煎茶白勝已高峯帶雪儲

絕境况逢三五馬定將好句壓陰何

惠夫子紹二同年懷章過夔宗英趙若拙聯舟

西上賦詩二首記吾三人會合之異次韵仍簡

二同年

端似唐人會合年句追籍徹孟韓聯朱幡俱任專城寄

白首叨持帥閫權鼎甲豈如天聖榜果州歸甲之

宗盟不減德麟賢客真不惡主人惡勝已山名自古傳

夔州前山名勝也

晚菊鮮梅葉新天涯對酒忽三人才高不比丹青相

志大聊為州縣臣梁彭麾把普彭夔子國榜同蒼

愈季元賓二公行矣居廊廟放我江湖作逸民

与惠夫若拙小酌郡筵再用聯字韵并寄子紹

子紹已行

杯盤少少酌同年更与英、玉葉聯我輩論文真有道

異時當國願无權策蒙親擢言尤直稱批問諫云召不

留中已足賢不謂君對天遣西來結詩社郵筒毋惜往

來傳

三友堂

閻梁二同季過變把酒論文于小書是說別日

之曰三友

丁丑同季友三人忽此逢符分俱極處簪盞偶成龍抗

卷神山遠銜杯瑞雪濃一壺勝太白形影月游從

生日

老遇懸弧旦天涯把一麾誤蒙松嶽句忍誦蓼莪詩節

物梅經眼年華雪上眉兒曹觴壽酒盡是祝歸期

觀畫像

似我豈真我相看還自疑陋非臺閣像高失布帛時吟

苦眉常皺憂多髮早衰倦々賦畝志无復畫師知

杜殿院挽詞

流落杜陵老平生一飯忠大賢宜有後異代果生公文

艷神藜烛霜蹄御史聰九原呼不起蕭瑟柏臺

親擢逢明主臺綱振一時觸真同獬廌問不到狐狸

伎已落膽江湖甘把麾賢哉郭有道無媿蔡邕碑
我昔游三館聞公論立朝端如平日語果不小人饒
云其饒得君節義真齊固年齡不逮喬英魂已上天楚
子不饒小人
些詭容招

會同僚于郡齋煮惠山泉烹建谿茶酌瞿唐春
錫泉龍焙忽飛來春著瞿唐初潑醅賜似玉川堪七碗
只如太白謾三杯月團不許无詩得霜葉端因有分間
王抚幹以晚菊
一盆來頓佳石鈿瓦盆吾已具竹林中日定相陪

同僚和詩復用前韵

掃地焚香待客來煎泉瀹茗漉官醅相公溪近何曾汲
灌東有相公溪以丁
謂詩名水可煎茶白帝城寒正可杯江上詩成風葉

陪落閣中興動雪梅開嘉賓飲散鈴絲靜月照虛窓有影

蠓梅

天工著意點醅酥不與江梅鬪雪膚露滴蜂房釀崖窰
日烘龍腦噴金炉万松張盖黃尤好三峡藏春綠不枯
東南蠓梅葉落始開峽
中地煖花開而葉不落題品倘非坡与谷世人應作小
虫呼梅土人不知貴呼為狗蠓花

子紹至雲安復和前韵見寄酬以二首

細閱皇朝進士科第三人家得賢多
是也然皆艰唯
勞苦而後有立不勞則餓天將任或起而僵帝欲噉
閣早推仁者勇廟堂終作國之藩也知有意東山卧其

李蒼生望子何 梁臨別指羅唐開有懶出此門之語

不比來游占一科无施不可患才多手持江海一麾去

夢与神仙七字哦客裏有書情愈重別來多病髮添皓

郡坐獨坐歲華莫眼見官梅深憶何 趙若拙卓尔不群佳公子也痛親不見名堂曰

思諸公爭賦之不鄙予亦以詩命予謂若拙不

止乎思也且能顯之作思堂詩

天下人子皆思親思而顯之能幾人入堂省親之不見

長向美墻見親面身苟不立名不揚九原何由發幽光

金枝挺之賢公子風樹具悲思不已口誦孝經第一篇

立身行道期心傳直諒多聞古三益標準宗支名籍之

前日召还胡不留一麾出守西南州官政入心所同欲

孝子息親恐親辱不獨思親能顯親孔門曾子君前身

我愧思親未能顯詩作思堂涕徒法

題朱鈇幹願无喧室

雅抱淵明尚處喧思避喧門雖有車馬趣不異立園仁

者本來靜時然應亦言端能重吾幕无復擾為煩

糟蟬薦杯

趨生有理河曾濁公子無腸却最佳羅饌寧向富兒飲

帶糟椰慰老饕懷

梅溪先生後集卷第十三

梅溪先生後集卷第十四

詩

至日寄二弟

雲物書何處山城白帝旁
髮絲驚漸短日線喜初長
江冷魚思復陽回雁亦行
小舟吾已具命下即還鄉

懷二叔

二叔年高甚天涯姪未歸
一陽雲物動三峽夢魂飛
文室懷明慶巍樓上靜暉
皇恩許歸去行矣叩林扉

連日鵲喜東歸之祥也詩寄二弟

烏鵲枝頭竟日喧
皇恩應許返丘園
荒蕪賦就同元亮
歡喜詩成異審言
定有好音來象闕
媿无遺愛在瓊

門寄書預報梅溪弟洒掃吾后辦酒尊

白雲樓赴周漕飯追念行可

不到西臺又傷心憶日游水流猶故沼行可嘗引水雲

散只空樓丹荔誰祠柳今顏靖也食清坐不對周徘徊

賦詩處淚下莫能收

哭陳阜卿

槐市虛名早儒林行藝尊麟經無絕學烏府有危言半

歲甘泉素頻年刺史幡淒涼道山旧今日幾人存身以

識面登瀛日論心去國時孟軻非好辯每得公書有羊

祐有先知物在道山臧否人手筆今文伯神明古吏師

老成嗟不見物有先見之明不淚讀招詞公嘗作招徐孺子詞

我守番君國公時帥豫章詩筒續元白治境接甌黃不

落來夔子傳聞侍

玉皇北門方卧護帝忽遣巫陽

郎報知凶訃傷心不忍言面猶對徐孺人已喪陳蕃前

子杖屨欲三徑衣冠俄九原數行瀛博淚瞑目有

餘痕公近喪長子

夢入贈范文正公集

平生敬慕范文正遺像向來祠楚東夢裏何人贈文集

見公端似見周公

食筍

貧富又復長纖々頭角猶藏味已甜吾友子脩三載別

不知稚子幾根添

著庭食筍記當年屈指交游半鬼仙昔與卓卿員仲諸

謹護釋龍无恙否得時張主想參天予昔在著庭嘗禁

耘著庭謹護釋龍見

夔門雪裏竹萌抽味占盤飧第一流深憶江西陳仲李

如今无復寄猫頭江西猫頭極佳在楚東卓卿每以見寄

寇萊公取韋蘇州野渡無人舟自橫之句增為

十字見于曾南豐所作公傳則知前輩作詩一

言一句皆有來歷予用其說為巴東詞記有新

進士作詩云語當人意為佳句何与常郎野渡

舟用其以解朝

野水再經吟咏手一般景象兩般舟萊公相業常郎句

付与詩人子細搜

夔硯

有以硯來售者曰歛石璞稍巨色青而文細光潤

而發墨兒曹買之或曰非歛硯乃忠万石耳予莫

能辨得之于夔目曰夔硯因讀少陵平公得硯詩

則知三峽古亦出硯也詩以記之

一片夔州硯千年禹鑿痕平公見尔祖三子得其孫銅

雀今安有羅文世所尊聊同玄顛輩文字与吾論

聞韶美侍郎易任廣漢

帝眷甘泉旧綸恩換虎符神應馳北闕眼已見西湖有

湖霖雨思賢甚仙槎到漢無書梁形夢寐大厦待公扶
閣報之文夢韶美
大書兄字于梁問

書欲臨邛去公俄廣漢行湖欣遇房相詩擬和刘兄為
郡人生貴還鄉畫錦榮无後陪杖屨老我欲歸耕

贈日与同官小集八陣臺觀武侯新祠

伏幾何時臆又逢天涯尊酒記游從未於山下祠黃石
且向江濱謁卧龍青眼共看官舍柳白頭相對雪天峯
虎符願逐桃符換万里歸心一片濃

梅雪

同僚文字三杯酒臆日江山八陣臺冷有人嫌吾似雪
消无塵染客如梅

辛八日迂虞參政于西城竹亭去歲亦以此日

送之

兩年此日此江濱賓迂向來歸去賓兀坐茅亭竹應咲
林間不著送迎人

讀東坡詩

學江西詩者謂蘇不如黃又言韓歐二公詩乃押
韵文耳予雖不曉詩不敢以其說為然因讀坡詩
感而有作

東坡文章冠天下日月爭光薄風雅誰分宗派故謗傷
虻蟬撼樹不自量堂々天人歐陽子引鞭遜避門下士
天昌斯文大才出先生弟子俱第一天人詩如李謫仙

此論取公誰不然詞无艱深非淺近章成韵盡意不盡
味長何止飛鳥驚臆說紛々幾元稹韻言王偁松詩味短
率類亦甚長與爭先惟大蘇謫仙退之非過呼曾中万卷古今有筆
下一點塵埃无武庫森然富搗揆利鈍一從人點檢莫
年海上詩更高和陶之詩又過陶地闢天開含万彙少
陵相逢亦應避北斗以南能幾人大江之西有異議日
光玉潔一退之亦言能文不能詩碑淮頌聖十琴操生
民清庙離騷詞春容大篇騁豪怪韵到窘束尤瑰奇韓
子於詩盖餘事詩至韓子將何譏文章定價如金玉口
為輕重專門學向來孝子者尊西昆詩无老杜文無韓淨

掃書坐拂塵几瓣香敬為三夫子

除日

蝸舍三年別夔門兩歲除盆雖具者簌難不是鄉閭櫪
馬喧新集桃符換舊書何如杜陵老守歲阿咸居

元日

元日年年見天涯意故長詩篇示宗武春色酌瞿唐白
髮又新歲黃甘非故鄉弟兄團拜處歸去願成行酒

趙果州送黃柑金泉酒

元日書來自果州甘三百顆酒新藟賢於齊下六從事
好侶平陽千戶侯老矣惟思醉鄉去歸欵且種木奴休

使君厚意吾先辱 媿乏瓊瑤報所投

四日雪坐間有江梅水仙花因日曰三白

孤標相對楚天涯 寒不能威意自佳 消得廣平公授筆 此夜真是鉄心花

右梅花

葉抽書帶秀文房 玉表黃中耐雪霜 淨水成仙最風骨 与梅為弟各芬香

右水仙花

不來平地只山巔 端為民貧故見憐 未到立春猶臘月 忽成三白定豐年

右雪

不道不人日將磧

好邀蜀風俗 夔人貧亦邀 今日日為人 傾城出江臯 邊頭老病守呼賓 酌春醪 歸來及初鼓 繁灯照霜毛

穀日立春

穀日逢春日 江天弄佳氣 蔬盆雜蒿韭 一箸異鄉味 西疇農事動 問我歸何未 豈无二頃奚用五 馬貴

雙鵲

雙鵲喳 首向東 侶將喜報主人 公主入只欲東歸去 歸作左原田舍翁

王抚幹蒙贈蘇黃真蹟酬以建茶

蘇黃文章外翰墨 亦莫加蘇得魯公法 黃自成一家肥

无塵俗點瘦或風雨斜可愛如其人敬之无迹遺真蹟
落人間蔀屋生光華我无一字歲天遣來三巴吾宗東
州秀文翰俱可嘉袖中出至室双眸洗昏花歸橐今不
貧持往東南誇何以報嘉貺龍團建溪芽
予雪詩云不來平地只山巔朱鈴幹和云不能
下乞俗人憐志在潔已陳知錄云只可在山如
去年志在恤民王抚幹云散作人間大有年志
在潤物三子之志雖不同皆可嘉也各用其句
作三絕以贈之又以一絕自貺
無喧室對山頭雪之照无喧室湛然高潔似人人亦似
不能下乞俗人憐

右贈鈴幹

不道世人貧可憐乱飄宇宙濕厨烟居高潤下澤自普
只可在山如去年

右贈知錄

時哉膺後立春前散作人間大有年會合風雲滿天外
不須只在蜀山川

右贈撫幹

在地在山无不可去年今年同不同銀杯縞帶逐車馬
何似蓑笠隨漁翁

右自况

春雪禁体物

立春三日餘霏霏下人間胡不瑞嘉平天於此偏慳忽
後何處來頃刻堆塵寰投隙妙能入遇圓巧成環侵
到肌骨點綴生容顏疑積遽如許掃除良亦艱牧羊
大窖擁馬愁藍關我時巴峽觀眩晃迷江山望空生
盃問俗非烏蛮豈无只可乘扁舟正宜還

十四日登真武山

山中松柏幾經春壁上龜蛇妙入神羽士相看笑相語
使君老似去年人

曰塩卓立群峯外真武山頭平視之試上白塩峯頂望
不知真武孰高卑

登煌灯火如星斗夜々人間望此山來向元宵試灯火

却移星斗下人間

秃筆

管城人 已老後輩頗相侵問汝中書否猶言欲盡心

二月朔日詣學講堂前杏花正開呈教授

孔壇昔栽杏魯人呼東家當時三千株化工元等差
風長其實教雨濯其葩木与聖化俱芬芳无迹
數株能白紅開向天之涯况於芹藻間相看意殊嘉對之懷
括人甘棠何以加不比曲江春祇名及第花又異仙家
挑徒尔蒸紅霞願言廣封殖變魯同光華

泮宮杏花乃閩紫微為教官時所殖復用前韵
同年紫微公昔游 帝王家穿楊百步間妙不毫厘差

桂窟擢高枝杏園賞仙葩手移曲江根不憚川塗遐
翔夫子壇栽植泮水涯花好實亦成諸公欣拜嘉我來
節中和數樹紅交加不見紫微郎如對紫微花滿堂
銀袍賦詩麗綺霞大勝瓜李桃李桃欲報元瓊華

用昌黎韻

桃李未吐梅英空杏花嫣然作小紅孤城絕塞也不惡
一株綽有仙家風高枝半出脩竹外醉臉略与江梅同
夔州花木不多有封殖嘉樹知誰功春光忽到刺史宅
天氣正在中和中不同浪蕩落瘴霧自有甘露滋芳叢
我來歲律驚雨換歸吳遙指吳江楓曲江往事何足夢

願為老圃安吾窮明年花開我何處小園數畝蕭臺東

蒼々烟雨記巫峽耐々詩句吟梅前
梅玉翰詩

送王撫幹行甫

之子來夔子春江又綠波分符慚政拙贊畫賴才多翰
墨妙揮染詞章工琢磨扁舟先吾去送別柰愁何

郡圃无海棠買數根殖之

少陵詩史有遺闕海棠名花輒湮沒孤芳千載逢蘇仙

竹篙一咲媽然發我從蜀錦亭邊來種海棠于郡圃名

醇醪透入蒼々烟雨窠綺霞曉抹神女肌香醪春醉明

妃骨鮮々絲藥垂更嫵點々燕脂勻未歇半含歌吐不

勝情沐露梳風睡明月為開酒尊苦多病欲插一枝羞

白髮照眼千株未觀蜀回首十年深憶越注在會稽訪

誰何人好事呼名友姚魏不容矜閎閎贈海崇日名友

砥研凝香有地胡不植負郭无園何處謁不煩飛鵠街

子来自買芳根帶花搖明年高堂來燕子想見繁紅映

林樾栽花老守在何許雁蕩山中來薇蕨憑誰為問花

消息有夢遥驚山突兀自慙不是召伯棠那得詩人歌

句伐哭純老詠嘉僧住福州壽山

忽得潜澗書驚聞壽山死開書未終讀老淚洒盈紙壽

山僧中傑蕭洒如晉人識高行孤索幻无一點塵少生

走江湖叢林參大士莫年住甌閩道價高遠迹桑下不

留恋急流猛抽身我欲掛衣冠歸欵遠公親遽聞新著

成已塋堅固子无由訪圓澤空對瞿唐水魚子語

次韵喻叔奇松竹篇

只應王子猷相愛未許秦皇帝可秦畫我同年作三友

歲寒節操宰官身

寄巫山圖与林致一喻叔奇

畱畫巫山十二峯緘題遥寄舊游從煩君子細看山色

不似老夫歸意濃

數千里外共明月十二峯頭望故鄉我對此山無夢寐

夢魂只在雁山傍

雙路十賢

屈大夫

大夫楚忠臣哀哉以謬逐遺廟大江濱醒清今古獨

嚴刺史顏

將軍頭可斷詎肯以城降斯可為忠矣至今名此邦

諸葛武侯

卧龍起南陽不為鼎一足託名蜀丞相漢非相蜀

少陵先生

子美稷高志空抱竟无用夔州三百篇高配風雅頌

陸宣公

敬輿避諛謗閉門不著書活人集名方炳然仁誼餘

常丞相處厚

常侯守盛山賦詩十二首能以堯事君遂令詩不朽

白文公

賦詠窮三峽樂天在忠州苟不以直道亦如元輿劉

柳文公

柳公本書生忠勇著岳鄂盛山戮姦吏餘威震夷落

寇萊公

萊公經濟業志在巴東詩斯人不復見亭上秋風悲

唐質肅公

子方筮仕初牛刀割魚復一朝我鷹冠風采百僚肅

續訪得七人

宋大夫

述志哀正則陳詞諷靈脩讀君九辨章悲楚非悲秋
源丞相乾曜

傑人掾雙子相業光開元故宅半赤甲荒涼今不存

李昭壁記

李左相適之

罷相避同列銜杯樂聖人那知偃月堂中有丞相

李丞相吉甫

公在忠州日人高長者風枝心無後段寧媿贊皇公

溫御史造

誰坐綉衣石曾落金吾膽不戮擁靴人至今有餘憾

程伊川

軼伋誠明學弟兄傳以心易微於九師閉門自鉤深

黃太史

豫章官遠遠直筆非謗史天遣來黔涪詩鳴配子美

柏架

青銅柯葉勝杉松帶得清風下卧龍日莫微涼起高架

移床却扇坐從容

次韻林江州題高遠亭

眼明庠阜翠橫空疑是雲頭屹夏峯遺迹君應懷聖治

全治驛在太故家我亦念歸宗山南歸宗時遙瞻瀑水

三千尺猶隔巫山十二重亭上主人高更遠天然丘壑

在心胸

登制勝樓

梁棟暈飛百尺樓江山滿目壯夔州鳥穿雲過白鹽去
魚透浪來清灩游控扼地臨三峡險朝宗水會百川流
古今制勝人何勝天下奇才忠武侯

再用前韵

下視瞿唐縹渺樓規模雄壓十三州良籌合向暇時運
緩帶宜來高处游列障四時環坐好大江千古抱城流
後山植木成陰日誰識十年前故侯

送宋山甫知縣

君住眉山我永嘉老來邂逅楚天涯无詩不和巴成杜
有酒相呼如在家官職未高名滿蜀人才如許邑為巴

且將異日作霖雨潤澤河陽一縣花

六月一日

天涯逢六月深悟別家時甲申大行也亦云遠歸欵

何太遲殊方累炎熱多病想扶持天遣西來意端吟

荔枝是日食新荔枝

食荔枝

荔枝初熟釘金盆手擘輕紅子細看風味由来太音絕
不教容易到長安

妃子園中荔子奇莫因名號起猜疑清時入坐非尤物

一洗烟塵賴好詩

詩史堂種幾時

輕紅曾入少陵詩殊方競續櫻桃賦

万樹爭先尔獨遲

拾荔枝核欲種之戲成一首

海味正思瑶柱美，雙門又見荔枝紅。炎方入貢自從子

郡圃欲栽如白公。樂天種荔枝官滿猶為十年計實成

須待二星終不須更論何時喫，前種後收人我同。

方州種荔枝詩云聞說万州

幼女生日

林鍾奠四莢，吾女此時生日向炎天。永月從前夜明提

携仰慈母教誨賴諸兄，願汝康而壽人如少蘊清。

詩史堂荔枝歌

君不見詩人以來一子美，莫年流落來雙子。賦詩三百

六十篇，西瀛東屯客愁裏。何人作堂畫遺像，收拾光芒

榜詩史堂前何有之。荔枝樹猶未老熟，獨遲世人貴早

不貴晚。倘非我輩誰賞之，涪陵昔遭妃子汚，万顆包羞

莫能訴。瀘戎一經少陵擊，至今傳誦輕紅句。少陵傷時

淚成血，一點丹心不磨滅。散成朱實滿炎方，風味如詩

兩奇絕。樂天曾畫忠州面，自言香味人間无。蘇軾詩云

味嗅異君謨亦作閩中譜陳紫声名重南土何如詩史

堂前株正是一飯孤忠，餘人為世重物亦重。端如又人

屋上烏，巴蜀閩譜合避路。奚用品第分錙銖，換先熟者

如楊盧，但可与之作前驅。閩娘十八婢，妾尔將軍大樹

真傭奴，我生四百餘年後。來作先生游，死守登堂三嘆

荔正丹聊效柳人祠子厚安得先生今復生添賦夔州
歌一首少雖有護州要使荔枝之名長不朽

周行可挽詩

我始來夔子公先在計臺江山同吊古文字共銜杯馬
運言尤力天高聽未回懷人夢不見西望肺肝摧
大事同生日佳城近故丘空留丹灶葉忍望白雲樓
偃折恩誰繼澄清志未酬傷哉堊元伯執紼竟無由
過客談梁彭州之政不容口聞為虛額所困欲
引去予頌其少畱以福千里輒寄惡詩
籍甚吾年友彭州譽正馳那因困虛額湧欲丐真祠勿
謂徒勞耳終須曰教之家傳治最自有九重知

食薏苡粥

夔州再見夏炎瘴侵我肌兩股忽浮腫百藥竟未治或
言薏苡良可以作粥糜恐坐伏波謗腹中有珠璣

十賢堂栽竹

六月修篁帶雨移丁寧護取歲寒枝十賢清節高千古
不是此君誰與宜

詩史堂荔枝晚熟而佳預約同官共賞偶成參
差摘實分餉因誦廬陵先生詩云人生此事尚
難必况欲功名書鼎委復用前韻以歌之

詩史堂前荔支晚尤羨高壓瀘戎與妃子姓名猶未聞
峽中風味惟應自皮裏試將遠况江瑤柱正似騷人擬

良史我來嘆息願屢支殊方爭歎惟恐遲汝今已晚何
用好不是少陵誰眼之貴妃游竟遭血污五坐悲懷何
以訴惟有雲安再拜人悶解夔州兩絕句少陵夔州一絕及
荔枝遺像空存食不血滿目烟霞明白滅何人種此星
幾終一樹團團味奇絕君不見南賓木蓮有華何足圖
樂夫過慮重看無樂天在忠州書荔枝木蓮二篇木蓮
雖又不見洛陽牡丹妖艷何必譜六一區區記風土天
生此果更此株夏日之時見子餘瓠囊書疑炎方張火
傘夕訝庭樹栖赤烏雙頭瑩若玉一鼓細骨輕於錢五
銖陳江閤閣如崔盧茲產於閩必爭驅甜無中邊大勝
蜜醞釀不假蜂為奴永安宮西即掌後折簡呼賓老太

守時方炎熱會苦稀事好乖遺意徒厚手摘高枝贈丹
實歌和前篇搔白首嗟一餉之樂兮天亦墜於老朽

伏日與同僚游三友亭

炎天過小雨伏日生微涼新亭會僚友故事開壺觴用

鵬白望亭去年泉汲卧龍乳茶烹團鳳香緬懷去年今

跳珠出詩章

分韻得炎字

兩載夔子国尤苦夏日炎揮金又云伏老夫猶未肯呼

賓江上亭風雄雨纖纖仰知九重心勃鬱念問閭杜

看底作明遠樓詩云問一

制勝樓有元豐間太守王延禧及計臺郡僚過

客唱和詩大書于版歲久事漫命筆更再書之
記以教語

周室未黍過者傷漢宮威儀見之喜神州久沒餘楚蜀
太平聲詩存有幾制勝樓頭詩數版仍是元豐舊臣子
體尤猶存前輩風氣象如樓頗奇偉人雖不見典刑在
事尚能言文獻是歲月侵尋自漫滅愛禮存羊那忍毀
百年陳迹一旦新不問升沉與工鄙一洗向來官職眼
獨刊無盡張居士無盡詩

雷聲

雷已先聲雷隱隱雨宜灑道即紛紛為言風伯不須怒
天下蒼生正望雲

某二年于夔竊食而已無德於民尤無功於學
校泮宮諸生相與肖其象而祠之意固厚矣然
非所宜得呈蘇校授

一麾出守喜乘夔日與諸生泳聖涯竊取於城勉忠孝
未能如衮進文詞從公于邁誤成頌爾貌不揚何足祠
為語廣文休作記麓沙大石定磨碑

聞得吳興

莫年身似杜陵翁环落烏蠻白帝中 聖主哀憐不終
棄乞祠却得水晶宮

七女呈同官

今夕何夕云七天孫有巧不願乞舉盃遙指河漢頭

但願歸耕學率生我無腹中書可晒亦不曠衣隨俗輩
緱山未訪仙祖游夔門聊與嘉賓會星河動搖三峽流
人問天上同新秋鵲已成橋動歸翻我亦一枝栖可得
時聞易往淵西遂可還身矣

別夔州三絕

鳩來夔子兩經年恰是忠州白樂天種柳栽花一般意
媿無名德比前賢
夔峽民淳獄訟稀使君無事只吟詩才疎政拙形容陋
深媿邦人為立祠
陳圖入眼渾如夢回首江山又夢凡
萬里白雲遮望眼

贈牟童子

牟家六歲好男兒誦得夔州太守詩好把五車書盡讀
早成頭角上天池

別同官

兩年竊祿古夔州邂逅諸君亦宦遊為郎不才真下下
同僚多助却優優及水便合扁舟去行李聊為一飯留
摻別相期可無語君親恩重各宜酬

梅溪先生後集卷第十四

梅溪先生後集卷第十五

詩

七月十七日離夔州是夜宿瞿唐

邦人送別亦傷情楊柳陰中涕泣聲我亦憐愛不忍去
一宵留宿舊江城

至東屯謁少陵祠

宦將夔子兩經年未到東屯意慙然端為先生舊吟處
不應容易上詩篇

忠不忘君句有神當時無地可容身草堂遺像英靈在
又見匙翻雪稻新

東屯溪山之勝似吾家左原

東屯別是一山川水秀山青似左原我待還家築茅屋
作詩招取少陵魂

登古峯嶺望夔州

巍登古峯嶺回首望夔州隱約瞻卧龍微茫見江流明
朝望眼遮江山見無由翻令還鄉夢飛過白鹽頭不知
此邦人亦念使君不使君無可念空有詩篇留

右峯驛小飲

老去最惜別同僚情更鍾三杯古峯驛添我別情濃

燕子坡

燕子歸期近吾今亦得歸烏桕一枝穩何必更高飛

隔江有
鳥飛山

悼巫山趙宰

使者追求急君方歸意濃詭言端可畏鬼物不相容浮
世誰無死良醫未易逢我來經舊館淚涕覺無從

巫峽

三峽江流七月平全家東下葉舟輕陽臺得得收雲雨
放尽峯峦照眼明

峽中七月行舟斷我丈孤忠盡室行寄語後人宜自戒
莫因幸免遂輕生

正是瞿唐莫下時却將行止問舟師老夫也是歸心急
不記前吟灩澦詩

神女廟

功開神禹言何安夢惱襄王事亦非峯下祠荒少人到
峽中舟過有鳥飛每舟過有鳥自峯飛下來

五長巖昭君村

十二巫峯下明妃生處村至今鹿醜女灼面亦成痕按

經昭君村在歸州興山縣而巫山亦有之在十二峯之

南神女廟下未知孰是杜少陵詩云若道巫山女醜

安得此有昭君村劉夢得竹枝詞云昭君村中

多女伴永安宮外踏青回則在巫山者是

三峽過大拽

大拽今重過江山記我無雲開列嶂秀石峙一峯孤吏
卒送迎異舟車來往殊今歲導陸行鴻雷泥上迹飛去到

石門先主為陸遜所敗由此門而脫

兵忿雖云敗君臣義有餘石門能脫急風義亦堪書

夫蘇謂清烈廟登獨醒亭

我醉亦如衆亭慙登獨醒惟知慕清節首為繪儀形夔

十賢堂以清烈為首

黃牛峽

白狗黃牛竹節灘奇奇怪怪幾峯出山川好處造化惜

不許人間平地看

黃牛廟

我從白帝城舟次黃牛峽黃牛遺廟存石馬隻耳缺宛

如歐公夢地靈亦奇絕固宜鎮大川千載食常血何人

讚巨力曾不紀功烈神乎豈求食挽石駭舟楫事見張天覺贊

或云土勝水茲亦強牽合鱗鯪白帝將何云吾為究其
說神高昔治水疏鑿九州別百神各效職僚佐力俱竭
功成禹化熊塗山亦為石譬如穆南征化者想非一有
化為牛者斷崖留遺跡豈亦黃帝餘與牛同一色至今
名此峽搜溺有陰力淫祠自其俗神手本正直爵以保
安侯足以章神德紹興間封侯安侯

蝦蟆碚水

亦曰蝦蟆背

蝦蟆好居水背水以自濡不知背上味乃與衆水殊品
第高水經煎茶必來須爭汲以致遠不憚險且透我亦
走瓶罌一甌瀾雲腴所恨太遐僻親朋莫能呼巨蛙如
有靈曷不上天衢以水為雨露助天澤寰區坎視峽中

小笑渠子陽愚

石漁翁

釣利釣名者紛紛三峽中何人化為石又作釣魚翁

至喜亭

前年泊舟至喜亭舍舟觸霧登山行身到猿啼虎嘯處
至今寃夢中宵鶻兩年寒暑山裏瘴癘侵凌身不死
七月歸舟浮漲江重見茲亭實堪喜世間憂喜無定形
此喜本從憂得名須知既濟有未濟勿謂江流今已平

又一絕

歸客來登至喜亭喜婦兼喜峽江平當時作記文章伯
不止文章得美名

不山文郭道山

學道無成藝有成青山猶以道為名匆匆不及登山看

歸看家山白鹿城亦以景純得名

宿灌口

拂曉出楚塞中流望荆門江隨銅柱轉舟遇鬻牙奔鳥

度天闊魚翻秋水渾宜都轉盼過夜宿舊江村南崔乃

江陵舟中作

夢裏身曾到永安孤城絕塞俯鶻湍東歸初喜楚天濶

西望堪嗟蜀道難艷瀕堆邊已陳迹水晶宮裏又簾官

帝鄉咫尺家鄉近臣子憂心亦小心

查元章自成都走書至江陵并貺蜀牋附子

芝蘭道山舊邂逅變江邊會合止半載別離又經年君

猶滯使輅我忽移雪川東歸不及見西望心悠然尺書

走健卒追上江陵艇慙慙贈遠意藥百紙以千我老苦

多病得藥年可延靜思苦口味矣止沉痾痊但非造樓

手誤辱文房牋待將君詩文傳寫千萬篇書言作二記

付與瓊人鐫捍波記修壘濟渴記義泉深慙郡政謬濫

託雄文傳君才高輩流君譽藹民編雅志在活人何心

肯不錢當守正念賈諸公咸薦賢定歸玉筍班慷慨

梳床前所陳必克輝那肯談武宣早趣舍人裝行著祖

生鞭我冠儻未掛茗溪遲言旋

離沙市天色變舟人恨風作少憇公安而行默

禱有應

解任古夔國校官白蘋洲三峽雖幸免大江尚堪憂
明霧四塞篙師請停舟爾禱於公安公安人過必禱之吾禱學孔丘愷悌以為治潔廉以自修神乎苟聽之庶不為神羞須臾日光漏江淨烟靄收願如吾祖言千里俱安不

望石首山

江山遙望疑若無隱隱漸露山規摹化工作山首安石
不著草木為肌膚吾鄉石首黃金色五年不見深思憶
山頭有石名偶同長缺空彈不堪食

巴夔之山嶽太多荆江其柰無山何舟中遙遙望石首

一點亦足供吟哦艤舟亦向劉郎泐應是劉郎招我宿

劉郎如問舊江山永安宮草年年綠是夜宿劉郎泐地

過三沱

舟從三峽過三沱柳岸人家轉盼過莫惜慙問舟子

江邊好處亦無多

塔子山

已過魯家泐猶瞻石首山水隨江繚繞山逐岸回環雨

泊蘆洲畔舟行晚照間貪看洞庭好不作沱中還

魯家泐

江頭烟樹色如故記得向來舟出時更讀西行舊詩集

集中多是沱中詩

宿人老湾

袞袞長江水悠悠歸去舡片雲南岸雨明月別州天
犬為客鷲盜蚊令人廢眠江湾號人老鷲我髮皤然
疑有盜舟人鷲起終夕不寐

烏沙鎮避風

風避烏沙鎮心懷白帝城峽中險已過江上浪宜平

維舟岳陽之西岸徐師以風作不敢行再留一
宿用韓昌黎洞庭阻風韻示同行朱仲文張子
是

月行南箕口簸揚不肯休我至洞庭側狂瀾阻行舟東
望岳陽城一葦宿可接吾欲破巨浪試呼舟子謀舟子
笑謂我官豈乘浮丘同行一二官好勇豈仲由君子不
行險少遲勿煩啾明朝風自定鼓柁無憂愁汗顏答舟
子汝語非謬悠書以示同欲速不可求

望洞庭

端居灩澦兩經年不戒瞿唐七月舡得得遙從洞庭過
要看湖漲水中天

賈岳州以予阻風致酒肉之贈

軒皇張樂洞庭旁掀舞魚龍撼岳陽卮酒豚膾使君意
知予肉味能忘

魚鰕

買得巴陵金鯽魚又逢公子奮長須夜來江山秋風起

報道吳兒已鱸鱸

初欲維舟岳陽樓下適風作遂泊南津

岳陽樓下風波惡過客舟行不容泊遙從湖口入南津
看盡湖山與城郭樓閣崢嶸照眼明君山當面如蓬瀛
雄文誰繼范文正妙曲亦無滕子京

岳陽樓

後樂先憂記飽觀茲樓今始得憑欄吐吞五水波濤闊
出納三光境界寬黃帝樂聲喧廣宙湘君山影侵晴欄
江山何獨助張說收拾清上筆端

洞庭湖

江山好處未經眼人道岳陽天下無入筆波瀾自今閱

幻中已有洞庭湖

維舟便上岳陽樓風定波瀾萬頃秋聞說洞庭通震澤
水應先我到蘋洲

讀岳陽樓記

先憂後樂范文正此志此言高孟軻暇日登臨固宜樂
其如天下有憂何

君山

恃險三苗此為國不知諸夏有華勳兩階干羽七旬後
從此湖山方有君

祖龍遷怒色曾頽帝子有靈山更青湖水如天冬亦涸
此君禁落一般形

南津淑濟廟

越國曹娥孝可書惜無同氣與之俱武陵今有賢兒女
弟似靈均娣女須

過仙亭

此處神仙幾度經老松枯朽穉松青如今想作天仙去
不復飛吟過洞庭

解舟遇風暫泊岳陽城下正對君山

入湖初訝君山遠無翼可隨鷗鷺群繫纜中流忽相對
江湖心亦不忘君

岳陽城下岸赤色亦呼赤壁

岳陽樓下有赤壁照耀洞庭烟水東鄂渚巴陵土多赭

周郎何處破曹公

君山形如龍南有一小山如龜

洞庭湖山山絕竒大山如龍小如龜弄珠曳尾自遊戲
不肯吹浪如蛟螭岳陽樓前鐵為城古人欲斷蛟螭害
蛟螭為害甚巴蛇遺冢猶存足為戒七百里湖涵太虛
春夏漲溢秋冬枯惟有龜龍長自在不知幾見桑田改

燕公樓

燕公郡事暇詩興滿滄波粉飾開元治江山為助多

道人磯

江中雙石如弟兄呼得道人為友生秋夜扁舟泊磯下
洞庭湖近月華明

道人身名兩俱槁道其所道非吾道橫江兩石作釣磯
不似嚴陵臺上好

泊潛江甲屬玉沙縣

潛江甲口楚天涯荻花舟中一兩家呼酒救厨无一味
天鷺亂眼似楊花

舟遇逆風破浪賦詩

風撼楚江水雲橫鄂渚天支頤看山色破浪出詩篇門
掩瀕江舍帆揚上水舡江神不借便歸只自飄然

舟中覽鏡

來往成何事霜毛滿髮多洋々大江水東去欲如何

過嘉魚縣有山名魚嶺

舟過嘉魚縣買魚人道無青山不堪煮彈鋏看銅符

宿通濟口

沌水從茲入中藏寂寞鄉相逢如故旧為我濟滯航

百人磯

滯從三峡水重見百人磯山色只如旧挽舟人已非

南浦

江淹送客傷心处万里人從蜀道來柳已三番見秋色
蕭々双鬢若何哉

南樓

江漢西來於此會朝宗東去不須分銀濤遙帶岷峨雪
烟渚高連巫峽雲鸚鵡洲悲狂处士蛟龍池化故將軍

登臨長願如今日塵靜元規楚不亂

解舟風猶未息暫止江口

狂飈未息浪崢嶸江口停舟不敢行自是吾儕畏行險

前頭波浪有舟橫

泊舟漢口

稍、風波定悠悠、舟楫移身雖到漢口家尚在天涯大

別思大禹古峯懷古壘前朝山城有廖廓歸說是

吾兒

聞詩問禮同朱仲文張子足請公遊漢陽郡園言有廖廓壘東望鄂者山川城郭尽在目中

黃鶴樓

雲鎖呂公洞月明黃鶴樓抱關非故卒誰見羽衣游

七磯

江上風波惡江中洲渚多回頭三峽遠轉盼七磯過

黃州

弭棹大江濱江山入眼新地疑真赤壁州是古黃人水

隔三分國

賦媚離也南岸風遺兩逐臣

王元之蘇東坡雪堂欣觀

面詩思定能神

蔣東坡十一絕

道大才高世不容堪嗟尺水困神龍空游赤壁英姿發

卻向小橋詩思濃

出處平生慕樂天東坡名自樂天傳文章均得江山助

但竟前賢畏後賢忠州東坡以樂天得名

少年下筆已如神文到黃州更絕塵我

宋人才盛元祐玉堂人是雪堂人

世重元之重竹樓雪堂名更重黃州西山草木元光彩

一一曾經杖履游

江遶山城柳暗村五年詩亂謫仙魂欲尋遺老問前事

楚語兒童今不存

再聞黃州正坐詩詩因迂謫更現奇讀公赤壁詞并賦

如見周郎破賊時

供成詩案脫繫囚天遣公來此地將自有胸中雲夢澤

更居雲夢澤南州

三等策成名烜赫萬言書就迹危疑易書論語忘憂患

天下三經字說時

口誦淵明歸去詞岷峨歸去竟無欺高安難弟來相訪

細說對床風雨時

批風抹月五經年嗟盡淮南尺處天獨與元之韓魏國

神交千古作三賢

向來茅屋僅容身今日祠堂高更新費盡丹青傳不得

靈臺一點與精神

至九江陪林守黃中登庾樓出示舊詩

萬里相望牛馬風茲樓邂逅一尊同烟生燕寢香炉上

電在賓筵食指中

樓之北岸舟入滄波詠蘋白飲陪文

字勝裙紅飛黃騰踏日邊去回首群鷺翼北空

喻叔奇自番陽來以詩見贈次韻以酬

家居雁客芙蓉側身自瞿塘灩澦回覽及江山歸路遠
舞翻烏鵲故人來舟至富川烏鵲滿壩詩吟變子相思
句酒飲番易未及盃種李續文宜館閣二松那復久淹

個

琵琶亭

繫舟琵琶秋水深夜靜不聞琵琶音往來多少商婦怨
世無司馬誰沾巾

過彭澤

萬里歸舟巨浪間只將青眼對青山青山好處惟彭澤
出岫雲歸倦鳥還

馬當山

此地水如峽有山名馬當猶疑是灩澦更合戒舟航

那刹石 一曰那查

七月下三巴孤舟近九華魂猶驚灩澦石更見那查

池之清溪如杭之西湖某歸自三峡維舟弄水
亭南望齊山翠微在眼登譙樓望九華見一峯
奇甚呈提卒李子長知郡趙富文

城南風物似西湖萬里歸舟入畫圖光潔貯懷便弄水
翠微照眼稱提壺浦無時節秋尤好池有精神貴可呼
景是九華知客意倚天遙露一峯孤

子長和詩復酬二首

往歲送後彭蠡湖常山地閱武侯圖忽乘雪裏子猷棹

欣對花間太白壺雁客寄書知有便天台采藥定相呼
兩翁異日為鄰舍笑說江山大小孤

君往東湖我左湖田園歸去亦良圖縱如傳說妙調鼎
終羨淵明高引壺清峭臺中各陳迹翠微亭上偶歡呼
江東浙右從今後永夜月同千里孤

富文和詩復用前韻

四上祠章郡得湖真同起發躡浮圖路經秋浦人如玉
洞入齊山天在壺人物宜居國士選吏民聊作使君呼
還鄉說與賈君子官比廣昌風更孤賈君元範永嘉贊昌每稱其為人

子長招遊齊山

路經秋浦上崔嵬不負孤舟萬里回峯比九華微具體
山中有石洞疑三竺遠飛來勝窮岩石玲瓏地秀吸江
湖浩渺盃先却紫微期一月菊花未放桂花開

富文贈桂花

夔有百花無此香夔州無桂花兩年官舍負秋光使君元是
蟾宮客贈我數枝金粟黃

泛清溪

清者未必貴貴者或不清胡為貴池內却有清溪名清
貴兩俱足造物如有情溪有夷屈風池非趙孟榮三秋
冷浸月十里光涵城真可弄茲水更堪濯吾纓天亦知
我意故令居水精水精豈吾居龍湫老餘生滿壁登清

溪坐竟名利輕

子長見示汪樞密游齊山詩因次其韻

莫莫休休祗欲閑
貴池誤照野人顏
好詩如見元樞面
佳境仍逢相國山
山如因得談笑後
容禪榻畔翠微髻
夢魂間吾儕相勉
崇名節峴首風流
庶可攀李監題跋

富文送鹿肉

太尉前軍得活鹿
離用使君慇懃分我肉
定知應是秦失餘
苗裔仍為世人逐
使君好客今平原
秋浦樓頭羅水陸
青州從事嘉屢拜
白鹿山人賜新沐
社風留客去未得
清溪山頭兩經宿
頻將口腹溷使君
大爵戲吟詩一幅

朱仲文和詩用齊山韻以酬

蜀山同我上崔嵬
峽水相隨共載回
秋月迎人雪川去
義風吹客浙江來
山游未及無窮力
酒只應嫌有限盃
准擬吳中作重九
菊花休道不須開

子長和詩并餽飲食再用泛清溪韻

秋浦天作秋清溪
風更清三宿不忍去
山以齊為名天台
李御史傾蓋即鍾情
憐我峽中歸笑談
洗枯榮携壺上翠微
率首望赤城相期老
岩壑便欲遺簪纓
贈我十首詩字字工
且精後今似杜老對
酒懷李生何當細論
文萬戶侯可輕

溪口阻風寄子長富文

風知主人意吹浪留客舟客子念行役形留心不留回
望月峽月朧判有坐悲秋浦秋從今懷入夢飛逐清溪
樓

子長和汪樞齊山詩復用前韻

腐儒無用分投閑吳蜀分符紙強顏去訪少陵三峽水
來尋太白九華山小舟載酒清溪口健卒傳詩白浪間
風伯相留作吟社願低筆力許追攀

池陽阻風留十日

舟楫何濡滯秋深風未西五旬從白帝十日尚清溪
次澤吞楚眼中山見齊主人殊未厭壺盍屢提携

子長携具至溪口復用前韻

有客双蓬髮歸從灩澦西符分三竹使地見兩梅溪
梅溪子家舟遇先逢李孟行酒到齊他年石橋路歸去
手應携

寄林黃中

時黃中泊舟貴池口予泊清溪口東西相去十里

郎星夜照貴池口漸見祥光燭斗牛甘棠遺愛留潯陽
及道前無此太守我亦弭楫清溪灘秋風吹浪高於山
與君相去幾咫尺形影隔絕烟波間晨起揚帆欲東去
風伯江神兩俱怒吾儕行止端由天天氣未佳聊且住

望舒山

舟阻清溪十日風旅懷秋思渺無窮開編細讀舒王句
一點舒山在眼中

留復州贈舒王絕句一集舟中觀之

出清溪

歸舟十日阻池陽風伯相留意亦良長
嗚呼參軍初為熟無腸公子正輸芒
齊山却向江南好秋浦元於社後涼
明日解維若雲去夢魂猶在水雲鄉

舟至梅根子長寄詩復用前韻

使節淹江左魚符換浙西詩筒猶在道
客棹已移溪戒險疑浮峽行徐穎去齊
壺觴更何日重向翠微携

淮山

淮山無數不知名山色遙看點點青
二百餘年仁草木莫令汚染犬羊腥

九華山

予過池陽登那樓望九華僅見一峯
舟出清溪尚逆風觀山却得少從容
浮雲不礙天邊眼放出神仙八九峯

我在芙蓉山下家四年秋色隔天涯
如今漸覓鄉山近已見芙蓉吐九峯

江南一嶽占青陽多少神仙此地藏
聞說仙翁搗藥處鳥声依舊克丁當

山中呼為葛仙翁搗藥處

九華山下化成寺太白書堂高處開想見江山無此境
故宜頭白懶歸來

峯峦列峙神仙境子母相依孝義山莫向山中摘花果
惜春啼鳥怒人攀踏歸之或登有啼鳥曰莫摘花果人

郡樓初見一奇峯深恐烟霞無路通神母遙遙將九子
總將山色到舟中

曾見齊山小九華夢將縹緲羽人家灵山面目忽相見
舟繫梅根秋日斜

曰華曰子數俱九細看峯峦何許多今古画工圖不足
冠卿詩柰九華何唐蕭建以詩寄費如士冠卿云見詩

幽境客難到請為詩中篇
畫來冠卿詩以請為詩中篇

銅陵阻風

兩年官絕塞萬里下瞿唐秋浦浪方息銅陵風又狂五
松人憶白双竹句思黃五松山李白讀書處有
曾直如墨竹詩今亡矣今夜
舟中月中秋何處光

江入銅陵縣舟藏若葦間郵亭危壓浦佛屋陋依山月
出鳥將繞風高雁欲還江山不貧處一覽見塵寰山有
富覽

黃池對月十五日

白帝去年月黃池今夜看風將清玉宇雲不礙金盆明
鏡飛邊遠霓裳舞處冥論文一尊酒欣對舊同官隄子
方大圭秀才家月明甚與朱仲文
張子是王康侯錫正叔同飲

宣城道中聞雁

蟬噪景如夏鳥鳴山似春數聲雲外過却是雁來賓

宿新豐驛

小驛數椽屋夜深風雨中鄰家有鷄犬不是漢新豐

塗中遇雨

江流渺渺風吹浪驛路迢迢雨作泥好把金章換蓑笠

故山深處把鋤犁

過宛陵陪汪樞密登双溪閣登嶂樓游高齋望

敬亭山誦謝元暉李太白詩用樞公游齊山韻

天將大任未容閑清峭依然御史顏謝客能吟練江句

謫山不厭敬亭山双溪風月壺觴裏疊嶂烟霞几案間

天下蒼生望公起歸轅行見郡人攀

離宣城天色陰晦望群山不見樞公和詩見寄

復用前韻

聖恩猶未許投閑遙訪蘋洲柳與顏昇婦解將風送月

麻姑莫遣雨遮山心游孤嶼題詩處名玷元樞薦墨間

狂僧薦九旦夕公歸首台鼎高齋遺躅倘容攀

過麻姑山

出郭群山四望無故將詩句禱麻姑忽然雲破山開面

天色如春有鳥呼

宿紅林驛遇交代王給事

路入紅林林未紅相逢俱是白頭翁郵亭灯火一尊酒

明日君西我向東

廣德途中觀刈稻

田父欣相語今年幸有秋深憂水後爛急向雨餘收穗
尽穴移鼠畦空童放牛何當速歸去吾亦有西疇

祠山

秋風吹客過祠山水出平原礙往還呼吸雨暘神有力
掃除雲霧見天顏

聖恩節桐川三絕

遇太學三友

燭從三峽過三峯益友三人忽此逢行李稽留三日雨
天教我輩得從容

驛中阻雨

浸淫以雨阻桐川無術那能補漏天傳舍終宵不成寐
點灯重讀舊詩篇

文籍遭水

文書隨我下瞿唐准擬家添萬卷藏水厄那知在平地
從今既濟要須防

九月一日自道場山如臨安周德載夏廷茂自
菁村乘舟來訪既別寄以小詩

二十年前舊友生扁州來訪見交情相看容髮俱非昔
記得炬亭笑語聲

待對仙林九日登佛閣時寄家道場山思去年

游卧龍山遂用舊韻

浮家東下路間關地近家鄉尚未還
風雨滿城欣已過
星霜入鬢早宜閑
去年嘉客同吹帽
今日仙林獨侍班
編插茱萸憶兄弟
更添北望道場山

梅溪先生後集卷第十五

蘇氏重刊

蘇氏重刊

蘇氏重刊



